

Broj: 3129-12/25  
Mostar, 11. 12. 2025. godine

Na osnovu člana 64. st.1. tačka (b) i člana 70. Zakona o javnim nabavkama („Službeni glasnik BiH" broj: 39/14, 59/22 i 50/24), a u skladu sa rezultatima javne nabavke i preporukom Komisije za javnu nabavku datoj u Zapisniku o pregledu i ocjeni ponuda br. 3128-12/25, u otvorenom postupku javne nabavke: „Nabavka mašine za čišćenje unutrašnjosti cijevi“, izvršni direktor ugovornog organa donosi:

## ODLUKU o izboru najpovoljnijeg ponuđača

### Član 1.

Prihvata se preporuka Komisije za javne nabavke konstatovana u Zapisniku o pregledu i ocjeni ponuda broj: 3128-12/25, te se ugovor za nabavku mašine za čišćenje unutrašnjosti cijevi dodjeljuje ponuđaču: **NEXIS D.O.O., sa sjedištem na adresi Mehe Smailagića 76, 71 000 Sarajevo, ID broj: 4202629310009**, kao ponuđaču koji je za nabavku gore navedene robe ponudio cijenu (bez PDV-a) u iznosu od: **47.999,00 KM (četrdesetsedamhiljadadevestodevedesetdevet KM) i rok isporuke od 84 (osamdesetčetiri) dana.**

### Član 2.

Izabrani ponuđač dužan je dostaviti ugovornom organu kvalifikacione dokaze lične sposobnosti iz članka 45. Zakona, te člana 47. Zakona, u originalu ili ovjerenoj kopiji, ne starije od 3 (tri) mjeseca od dana dostavljanja ponude, i to u roku od 5 (pet) dana od dana prijema ove Odluke.

### Član 3.

Ugovorni organ će pozvati izabranog ponuđača na potpisivanje okvirnog sporazuma kojim će regulisati međusobna prava i obaveze vezane za predmetnu nabavku, u skladu s odredbama Zakona o javnim nabavkama.

### Član 4.

Ova Odluka stupa na snagu danom donošenja i objavljuje se na web stranici ugovornog organa, istovremeno sa upućivanjem ponuđačima koji su učestvovali u postupku nabavke.

## O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 2928-11/25 od 14.11.2025.godine. Javna nabavka je provedena putem otvorenog postupka javne nabavke. Procijenjena vrijednost nabavke iznosila je 50.000,00 (pedesethiljada) KM. Obavještenje o nabavci objavljeno je na Portalu javnih nabavki pod brojem **1393-1-1-88-3-62/25**, na dan 14. 11. 2025. godine, te u Službenom glasniku BiH br. 70/25 od 21.12.2025. godine. Nakon objave obavještenja, ponuđači su tendersku dokumentaciju mogli preuzeti putem portala Javnih nabavki.

Komisija za javnu nabavku, imenovana Odlukom o imenovanju broj: 1078-03/25 od 21.03.2025.godine, blagovremeno i pravilno je izvršila otvaranje i ocjenu prispjelih ponuda, o čemu je sačinila odgovarajući zapisnik.

U zapisniku je utvrđeno da su blagovremeno pristigle ukupno 2 (dvije) ponude, i to od ponuđača: NEXIS d.o.o. Sarajevo i HENNLICH INDUSTRIJSKA TEHNIKA d.o.o. Ilidža.

U postupku nije bilo neblagovremeno zaprimljenih ponuda.

U skladu s uslovima iz tenderske dokumentacije, a nakon ocjene prihvatljivosti pristiglih ponuda, ponuda ponuđača HENNLICH INDUSTRIJSKA TEHNIKA d.o.o. Ilidža je ocijenjena kao nepravilna - nije dostavljen spisak izvršenih ugovora, a potvrde o uspješnoj realizaciji su dostavljene u običnoj kopiji, dok je tačkom 5.4.3. TD zahtjevano je da se iste dostave u originalu ili ovjerenj kopiji.

Komisija je sačinila Zapisnik o pregledu i ocjeni ponuda broj: 3128-12/25, sa preporukom za odabir najpovoljnijeg ponuđača, koji je dat u prilogu ove Odluke.

U Zapisniku je konstatovano da je ekonomski najpovoljnija i jedina prihvatljiva ponuda ponuđača NEXIS D.O.O. Sarajevo, sa ukupnom cijenom od 47.999,00 KM bez uračunatog PDV-a i rokom isporuke od 84 dana, te je shodno tome data preporuka da se ugovor dodijeli navedenom ponuđaču.

Prilikom donošenja ove odluke, posebno su cijenjene činjenice da je Komisija pravilno i potpuno izvršila ocjenu kvalificiranost ponuđača, te ocjenu prispjelih ponuda u skladu s kriterijima iz tenderske dokumentacije.

U postupku ocjene provedenog postupka, ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku. Ocijenjeno je da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama i podzakonskim aktima, internim aktima ugovornog organa i uslovima iz tenderske dokumentacije.


Uvidom u priloženu dokumentaciju nesporno je da je izabrani ponuđač NEXIS d.o.o. Sarajevo, sa sjedištem na adresi Mehe Smailagića 76, 71 000 Sarajevo, ID broj: 4202629310009, dostavio jedinu prihvatljivu ponudu koja je primljena u roku, ocijenjena kao kvalifikovana i sa najvećim brojem bodova primjenjujući kriterij ekonomski najpovoljnija ponuda. Shodno navedenom, odlučeno je kao u dispozitivu Odluke.

#### UPUTSTVO O PRAVNOM LIJEKU:

Svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili mu je mogla biti prouzrokovana šteta zbog nezakonitog postupanja ugovornog organa, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke, ima pravo podnijeti žalbu protiv ove Odluke, najkasnije u roku od 10 (deset) dana od njezinog prijema. Žalba se ulaže ugovornom organu u pisanom obliku, u dovoljnom broju primjeraka koji ne može biti manji od 3 (tri), kako bi ista mogla biti uručena izabranom ponuđaču ili drugim strankama u postupku.



Izvršni direktor:

  
dipl.ing.grad. Zineta Muraspahić

Prilog:

- Zapisnik o pregledu i ocjeni ponuda br. 3128-12/25, sa priložima

Dostaviti:

- Web stranica ugovornog organa
- Ponuđačima koji su učestvovali u predmetnoj nabavci (x2)
- U spis nabavke
- a/a